

تاریخ مجری ۱۳۳۲

نومرو ۲۹

تاریخ روسی ۱۳۳۰

صاحب امتیاز و مدیرمسئول
حسین شعی

۹ رجب

خبر الکلام

سرمدی :
احمد شیرانی

۲۲ مایس

قل الحیر والافاسک

دین و وطن خدمت، عزم خالصہ سیدہ پنجشنبہ کونہری نشر اولنور اسلام آباد

یازیق که : بی گناه اولدک هدف هر درلو استاده !
 نه عبرت قارده شم باقی . کلیور برکیمه امداده !
 دوشون قارده ش ، نهدن تحقیر ایدلرک ؛ بر صوچو ک واری ؟
 بونتحقیر ایدن قورتولقی آیاسنجیه دشواری ؟
 بچون برفرد چیغوب شخصکله ، هم علمکله اوینارکن !
 طور رسک هیکل جامد کی بیلم نه دندر ؟ سن
 اوبر شخص ، بر نفس ، بر روح .. یاسن ؟ : آیت اونک عینی
 فقط برفرق ، سهویغیز بر سبب وار : اولرک یعنی
 اولور سمینده بر امید وصلت ، علم واقباله
 سنک سمیکسه وابسته بوکون اعراب واعلاله
 یازیقدر عمر قیمتداریمز عمو اولماسین باری
 نهدر اسباب دغنی بولده دفع ایت اویله مورداری :
 چالیش برفعله اول ، اعدا که قارشی علم وحکمتدن
 متین برفعله صاقلار حق آنجیق هرا هانتدن !
 نهدر اقوال پیغمبر ، نهدر افعالی اسلامک !
 نهدر دین آکلا ، هم آکلات ، نلر احکامی قرآنک ؟ !
 فقط اوچکه کیدوب صور ، علم دین ندربس ایدن کیملر ؟
 نهوت سور ، وارمیدر ؟ درسخ نلر بول وار سهکل کوستر
 بتون بونلر سنک حقک ، نهوت هم حق مشروعت !
 فقط بیلم بچون موصدک ؟ بچون حقدن بعید اولدک ؟
 اویان هم سلیم اویقو یتر آرتق صباح اولسون
 اویان آرتیق ، اویانده بر صباح ذی فلاح اولسون

ح . فیضی

« علم » لک اساسلری

— ۲ —

(حواس) و بوتون بو مراتبیله برابر
 (ادراک) ایله « علم » استحصال اوله بیلیر ؛
 یعنی : (نظر صحیح) « علم » ی مفیددر .
 و اواستحصال ، بواقاده اوقادار بدیهی ، اوقادار
 بدیهیدر که ... طبق بونک عکسفی ادعا ایدنلرک و :
 — نظر صحیح علم افاده ایدم من . [۱]
 (حواس) من مغفلدر [۲]

دینلرک عناد و اصرار لری کی ... و بو باطل
 ادعایری قادار !! ... چونکه : بویله خشین

(حواس) من مغفلدر « قضیه سی بر
 تصدیق و بر حکم ، همد بر حکم فیلزو فانه (۱)
 دکی ؟ بوده دیگر حکملر کی اولا حواسیه
 و صوکره بوتون مراتبیله برابر ادراک استقامت
 ایتیم یورمی ؟ او حالده بو تصدیق و حکمکده طوغری
 اولماسی ؛ حواس منک اغفالانه قایلیماسی نیچین
 لازم گله سین ؟ .. نهدن (حواس) من مغفلدر دینلر ،
 کندیلر لی ؛ یته کنندی سوزلریله رد و تکذیب
 ایتیش اولماسین ؟ ! . نیچین نهدن بوددهات ؛
 بالخاصه بعض تصور و تصدیقک بداهتی قبول
 ایدیلیم سین ؟ ! .

لاکین اصل بداهت اودر که : بر شینک بدیهی
 اوله سی ؛ او ، شینک اثبات و استدلالدن ، اثبات

[۱] بو کافائل اولانلر (سمنیه) ایله (مهندسین) در
 مهندسین معلوم ؛ سمنه .. سینک ضعی ، میعک
 فتحیله - شاسخه قائل (عبده اصنامدن بر قومدر)
 (فلسفه شرقیه) کتابلرنده تصریح ایدیلیمکنه کوره ؛
 سمنیه تک ادعای ، مطلق ، یعنی : نظر صحیح هیچ
 بر زمان « علم » افاده ایدم من ؛ مهندسینک ادعای
 ایسه نظر صحیح علمی ، آنجیق (عددیات ، هندسیات) ده
 مفید ، (الیهیات) ده غیر مفیددر . هر ایکی طرفده
 وجوه عیدیه ایله احتیاج ایدیلور ؛ بونلر ایلریده
 تفصیلاتیه کوسریله جک ، و مقنع ، مقنع دلایلرله رد
 و ابطال ایدیلیمک اولدینی ایچون ایضا حاکدن صرف
 نظر ایدیلدی .

و استدلال ایچین برهان اقامه سندن بری بولمخه سی ایجاب وانتاج ایده مز! چونکه : بریسنه بدیهی کلان برشینک ، دیگرینه نظری کلمه سی کی بر آنده نظری اولان برشینک ، دیگر بر آنده ده بدیهی اولمسه سی صولک تجربه نك صولک بداهتی در . بناء علیه بنه صولک تجربه نك صولک حقیقتی اولقی اوزره — حقیقته تصادف نامنه — عالم فلسفه ده اولسون بداهتی انکار اتملی و هر بداهتک اثبات واستدلالی ایچین برهان اقامه ایدیلیمه سی خصوصده لارمکلا بدیهی قدار ادعا و اصرار یولنه کیتلمی در .

فقط ، اصل حقیقت اودر که : (نظریات = کسبیات) کی — بونلرک ضدی اولان — (بدیهیات = ضروریات) ک ده — بالطبع — موجود اولمسی ضروری اولدینی ایچین ، نفس الامر « ده بداهت ، بالخاصه بعض تصور و تصدیق بداهتی انکار ایدیلیمه مز ، ایدیلیمه مشدر ، حتی

[۲] بونک اسکی بر اعداد ؛ سوفسطائیلر بوخصوصده پک ایلمی کیتشلردر . بالخاصه «عندیه» مسلک فلسفی تمامیه (غلط حسن) استناد ایدمک هر شینک (شخصی ، انفسی ، ذاتی) اوله رق بیلندیکنی ایلمی سور . فقط تحف و غریب ، حتی عیب شی که : بوکون عینی مسلک فلسفی به ، جهان علم وفلسفه ده (تجدد) نامی ورنلر ، بریکلاک کوستردم ده بیلدره وار . ایشته بایکیز :

(اولاً ، قطعی اوله رق ذهنده نه بر فکر ، نه ده بر بیلکی موجود دکدر . هر بیلکیکنی مطلقاً (حواس خمس) دن برینک لطفته مدیون اولان دماغ بشر ، شبهه سز پک آیینه حق بر حالده بولونوبور . چونکه بر جوق خطا لر سی ، اکثریا کندی کندیته اعتراف ایدن بوحواسه اعتماد اولدقجه تهلکلی برمسکدر . غلطاً سمع ، غلطاً رؤیت ، غلطاً تماس ، غلطاً شمع ، غلطاً ذوق کی غلطات نیهایه آرمسندم یوزوب طور دیغمیری پک اعلا بیلیرکن ، بوندن ده پک آز اول ارضی ثابت فرض اتمک و بوخصوصده لایتنزل بر قناعت وجدانییه مالک اولمغه بوکونکی منظومه

ایدیلیمه به جکدرده . . .

« ایکی کره ایکی دورت ایدر » ایله « کل جزءن بویوکدر » قضیه لری هر زمان ، هر برده امور بدیهیه دندر . لاکین ، هر ایکسندده موجود اولان بداهت عینی سو به ده می ؟ برنده ، دیگرکندن — آز جوق بر فرق ایله — فضله و یانقصاناتی بوقی ؟ بزه نظراً یوقسه هر کسه نظر آده او بیه اولمسی لازم کلمی ؟ ! : زیرا : « برشینک خصوصی اولمسی ، او شینک عمومی اولمسی استلزام ایدمده دیککی « ده بدیهی دکلکی ؟ بوحالده ، بو ، اوج (قضیه بدیهیه) بیلنده فضله و نقصاناتی بولندینی ، بیلرندمکی فرق پک قولایقی ایله حسن اولدینی ظاهر یعنی : بدیهیات دائماً و مطلقاً ضعف و شدته معروضدر .

ایشته : بو عروضدن ناشی بوتون بدیهیه نه هر زمان هر برده دکلسه بیله فقط اکثر بدیهیه ،

شمسیه نظریه سی بر حقیقت محضه عد ایک بیلنده بویوک بر فرق موجود در ظن ایدم . بر آز ده اشاعی ده :

کونشک ضباسیه دیگر بر ضیا آتشدنه باشقه باشقه رنگلرده کوردیکمز بر قاشک ضباسیز بر برده تمامیه رنگدن تجرد ایدمککنی ، پارمقیزک صلابته نسبتله بزه پک سرت و پک صیجاک کلن جسملرک بر دمیبری آندم غایت عشاق و ملائیم کی صفتلره توصیف اولنه جغنی ، صحیح الوجود بر آدمک پک طائلی ولذیذ بولدینی بعض میوملرک آز جوق مختل الصعده دیگر لوبنه نظراً پک طائسز عد ایدیلیمه چکنی و کاشانده ، هیچ تغیر ایتمهش ، شیان اعتماد حواسه مالک انسانلرک ده غیر موجود بیتی دوشونه چک اولورسه ک ذهنده موجود بیلکیلرک آراتی قطعیته حکم ایدمیز دکلکی ؟

وبنه براز ده اشاعی ده :

او حالده علوم شمدیه به قدار هیچ بر حقیقت کشف ایدمدهش اولدینی کی اک بویوک ذکا و محاکمه اربابی ده اونی ادراک ایدمده مشدر .

[تجدد علمی و فلسفی — بها توفیق]

چوق زمان ، چوق یرده هر حالده برهان اقامه
ایدیلی ، دانما بولرک اثبات واستدلال طریقارینه
کیدیلی ، بو ، ویا شو ، فلان شی ، قادار
بدیهدر ده یوب سوزی کسدرمه ملیدر .

بزجه اصل حقیقت بداهت ، بداهت حقیقت
ایشته بو ، و بو طرزده انکشاف ، بومر کزده
تجلی ایدن اولدینی ایچین (حواس) و (ادراک)
ایله « علم » استحصال اولدینی ، (نظر صحیح) ک
« علم » افاده ایتدیکی بدیهی ایکن ، بداهتی ده
بونی انکار ایدنلرک عناد و اصرار لری کی ظاهر
و بواطل ادعایری قادار ثابت اولمشکن بزیته
اثبات واستدلاله چایشه جغز ، و کیم بیایر بلکده
لازم کلدیکی قادار برهانلر اقامه ایده جکز :

م ، ثابت

غایه خلقت

انسان بوجدلکده فایده فیاسوف اولسون ،
بتون معناسیله حریت فکریه یه مالک بولسین ؛
هنر صاحبی اولسون ، نه اولورسه اولسون اسباب
معیشته مقید اولقدن قور توله ماز ، بتون موجودیتله
وطوبیماز بر حسله اوغراشمقدن ، دیدیمکدن ،
دوشونمکدن ، آرامقدن ، بولمقدن ، قوشمقدن ،
آینلقدن ، باغیرمقدن وارسته قالماز ، راحتله
وقت کچیرمه میدان بوله ماز . هانکی ایشه
باشلارسه ، هانکی طرفه عطف نگاه عبرت ایلرسه
نقش تمایل کسانک سیر بی وقوفی ، زمینک شکل
عجیبی ، کندیسنک عجزی دها بر چوق غرائب
و محنت حیات اونی حیرتده بر اقیر ، شاشیرتیر ،
یاسه صوقر ، حیادت اوصاندریر . بر آن اول
هرشدن صبر لمق ایشه نیر ، بر آز کینجه یینه برعله امید
قابیلار ، یکی بر فکر ، یکی بر امل باش کوستر بر حیات
حیات دییه چیرینیر ، هر نالیسه سی ، هر دقیقه سی زهر
اولسه یینه یشامق ایستر و یشامه نک لوازمی تدارک

قویولور ، بر نبذه جک سعادت ایچون جان آتار ،
نقائصی اکال ایچون طور ماز چبالار همان چبالار ،
هرکون بر منفعت پیشده کز ، چوق شیلر
دوشنور ، بعضیسی بکه نیر ، بعضیسی بکنمز ،
بر قسمی ییار ، دیکری یایق ایستر فقط یایامز .
زمان اولور عطالتله کچیرر ، زمان اولور نظربا ،
دلربا منظره لر تماشاسنده کزمر ، بعضاً سکونتله ،
بعضاًده مجادله ایله ، خلاصه : دها بر چوق
حائلله اصرار حیات ایدر ، یشار ، فقط غایه
خلقت ندر دیز ، اونی دوشنمز . حالبوکه
انسانک اک زیاده اعمال فکر ایده جکی بر مسئله
وارسه او ، ده غایه خلقتدر . بوکانات ، لسان
حال و قالیه صورت بدیغانه و حکیمانه غایه خلقتی
اخطار ایدیور و (فاطر عالم) ی بیلیمکدر دیور .
ایشته غایه خلقت بودر . بونی ساده جه عقل
سایم اولمق شرطیله . بولمقده کوچک چکمز .
فقط حصر دقت ، اخذ عبرت لازم .

المالی
مصطفی شفیق

بیان تأثر و تعزیت

قیصریلی حمدی افندیسنک خبر ارتخالی ،
غزته من کچن هفته در دست طبع ایکن ایشتمشدک
سهده اینانق ایستهمه مش ایدک . و او یلاکه
اومدیغز کی یالان دکش حمدی افندی زمانمک
اک ممتاز علماسندن والکدر کی فقهاسندن ایدی .
ایکی سنه دئیری غروب ایدن اعظم علمامز کی
حمدی افندی مرحومکده یری بوش قاله جقدرکه
بزی اک زیاده متأثر ایدن ده بوجهتدر . مرحومک
ضیاعندن طولانی بتون ملت عثمانیه و اسلامییه
وبالخاصه اولاد صلیبه و علمیه سینه بیان تعزیت
ایدرز .

حقوق مطبعه سی
مدیر مسئول
حسین شمی